


成案質疑

課程一

卷八ノ一



九二八	漢書門
七五〇	
七五	
冊架函號類	

九二八	漢書
七四	
二〇九	
冊架函號類	

內閣文庫	
番號	漢 9248
冊數	75 (17)
函號	296 100

十七



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak 2007 TM, Kodak



成案質疑

課程



包管私煎鹽觔

買假引販賣私鹽

導例給照販鹽

販賣私鹽三千斤以上照例充軍

大夥私販不帶軍器并未拒捕仍問徒

越境買食有引官鹽餘鹽易米度日擬杖

縣差入村查私監生恃符詈逐

武林洪弘緒臯山甫
同韓
繡谷饒 瀚敦夫甫



成案質疑

卷八 課程

一

鹽梟就撫復販者治罪併該管出結各官處分

續獲販私逸犯

委員縱姪藏賣私鹽

領運千總縱容水手販私抄搶

搶奪團鹽

五人販私拒捕不會下手擬成

十人以上販私并經過各官處分

十人以下拿獲一半不准免議

鹽犯止用鞭擊並未成傷仍照不會下手問流

向村婦買食鹽勸遇捕拒毆不作私梟拒捕科罪

失察私鹽因公出境仍議處

鹽梟持械傷兵復搶奪船物不准

赦免

販私拒捕毆傷汛兵

傷人首犯在逃餘梟先行擬結

糧船夾帶私鹽

掃土煎鹽出賣被獲糾眾搶犯致傷道差

販私問徒因疾收贖復糾眾湊銀買鹽拒傷兵快

販私拒捕致傷兵役

夥眾偷鹽毆傷巡役

販私被獲糾眾索犯致傷巡役

販鹽拒捕聚眾搶犯并搶衣物

販私拒捕致傷鹽快

鹽徒聚十人以下拒捕傷人

以貨易鹽轉賣拒捕傷人未死

興販私鹽拒捕傷人案內不知拒捕者仍依本律

兩起私梟同行拒捕各傷一人既經并疏審題難以兩人爲首
十人以下帶軍器販私

私販聚衆十人以下拒捕傷人

私梟執械拒捕傷人不准援 赦 另有新例減出

私鹽拒捕

販私拒捕情事未確引擬未協

販私拒捕毆死汛兵

販私拒捕未曾傷人

買食私鹽不容搜查拒毆致死汛兵

私梟無兵仗但致死官兵者從重改擬

挑鹽在本縣別鄉貨賣遇兵查拿拒敵傷人致死

私梟拒捕傷死巡丁傷人夥犯不應援 赦免緝

販私拒捕傷死埠丁并中途搶犯

販私拒捕傷死巡丁

收買官鹽越境易米拒捕傷人致死照律擬斬監候

販私拒捕傷死鄉勇

收買官鹽越境買賣照罪人拒捕律量行加重

私販拒捕射死巡役亦准援 赦減等

買鹽拒捕傷死巡役

販鹽拒捕傷死巡役

私梟拒捕傷死練總

殺人正犯脫逃餘梟先行擬結

販私拒捕致死鹽丁

十人同夥販私殺人卽照十人以上律定擬

兩起私販撞遇同行拒捕仍照十人以下科斷

十人以上販私拒捕殺人無軍器者

私梟打死二命不知毆死情由仍擬徒罪

捧拾遺鹽傷人斃命

發回水手圖利捕私致傷人命

鹽梟多人傷死二命奉問官刪去重犯朦混具題

買鹽在四十斤以下拒捕殺人依鬪殺律定擬

私梟拒捕殺死服姪依故殺姪定罪

巡鹽致死五命

白役巡鹽打死人命該管官處分

革丁捕私致死人命依鬪殺律定擬

明知私鹽中途截搶致死人命依律擬斬

夾帶私鹽沿途官推卸

回空糧船夾帶私鹽沿途失察武職因公出境免議

失察糧船夾帶私鹽公出官仍議處

失察衙役借巡生事因公害民處分

失察私鹽不准因公出境

十人以下鹽梟別訊全獲不准開復

失察私鹽獲半不准免議

私鹽經過地方無處分

條陳鹽務

失繳鹽引

殘引被風漂沒

銷引處分 此條處分兩廣官買餘省仍照定例行

招商遲延

大使多收養廉

隱匿私鹽船隻

私鹽變價並無飯銀送部

私茶

失察私茶

匿稅

襍稅銀兩造冊遲延

落地稅銀承催逾限

人戶虧兌課程

關稅缺額處分

關稅捏報足額

侵稅之員開報所送陋規須查明應否追繳

成案質疑

武林洪印緒臯山甫
同輯
繡谷饒 瀚敦夫甫

課程

鹽法

包管私煎鹽勛

康熙 年 月刑部覆查張大壯于康熙十三十四二年包管陳
村私煎鹽勛共得贓銀一百七十兩趙淑先亦包管任村私煎鹽勛
共得贓銀一百一十九兩應擬罪事在

赦前不議

赦後雖未得贓仍然包管私煎鹽勛查律無正條合比照凡私煎貨賣者
同私鹽法杖一百徒三年律各折責徒三年蠹役李非凡受財故縱

成案質疑

課程

鹽法

共得陳小廷等錢三千四百文除官吏受財輕罪不坐外合依凡巡禁私鹽若知情故縱者與犯人同罪杖一百徒三年律革役杖徒陳小廷等俱違法私煎鹽舫合依凡私煎賣者同私鹽法杖一百徒三年律杖徒巡役楊福成等審未得贓但巡查不力依凡巡禁私鹽若有遺漏者所委巡鹽人員初犯答四十律各答四十奉

旨依議

買假引販賣私鹽

康熙二十年六月刑部議已故陳敬萱偽造鹽引先經浙撫李本昂具題臣部議陳敬萱假引販賣何場何商之私鹽發賣與何府州縣大小印記是何衙門印文俱未查明曹文係買假引販賣私鹽之人止擬杖罪不合該撫確擬並以前失察各官查明再議去後今該撫疏稱曹文誤買假引赴場買鹽察審雖不知雕假印之情由但買假引販賣私鹽情真曹文依凡犯無引私鹽者杖一百徒三年律杖徒陳敬萱病故毋庸議敬萱私賣假引錢五百文于伊家屬照追入官假印引板等物銷燬再陳敬萱刊刻偽印偽造鹽引任意販賣失察原任仁和場大使馬原任兩浙運使李失察署仁和縣事杭州府通判李國維見任兩浙運使闡廷謨均應交吏部議巡撫李本昂不將失察假引各官先不會題參應一併議奉

旨依議

違例私煎販鹽

康熙三十八年五月吏部覆廣鹽沈愷曾題先經戶部議覆查
縣知縣李一騶本汛竈丁私煎又不拏解反給關大等四人印照
界與販李一騶不便照軍民人等煎賣之例降三級調用應照衙
私行煎賣之例革職其失察各官職名移咨都察院轉行該御史查
叅在案查定例內軍民人等在界內私行煎鹽或私賣者降三級用
等語應將遂溪縣典史毛日昇照例降三級調用無級可降相應
職署雷州府同知事陳于冀該管地方任其竈丁私煎越界與販
不查拏知縣李一騶違例給照運鹽又無詳報明係徇情故縱應將
陳于冀照徇庇例於現任內降三級調用奉

旨依議

販賣私鹽三千斤以上照例充軍

雍正十年四月刑部會議壽光縣革職知縣何世華勒索票商張水清陋規一案據東撫岳疏稱除何世華病故不議外查販賣私鹽至三千斤以上發邊衛充軍定例通行在案查孫潢張永清販賣私鹽在未定例以前應將孫潢張永清仍照夾帶餘鹽同私鹽律杖一百徒三年孫潢年逾七十照律收贖革去文生等因查律自頒降日為始若犯在以前者並依新律擬斷等語今孫潢張永清發覺在定例以後不便擬徒發落應將孫潢張永清照販賣私鹽至三千斤以上發邊衛充軍例僉妻發邊衛充軍至配所責四十板孫潢年逾七十照律收贖奉

旨依議

大夥私販不帶軍器并未拒捕仍問徒

康熙五十三年 月刑部會議得京口水師右營革職遊擊陳俸等失察私鹽一案據江督赫壽疏稱五十年十月內有安慶府船頭柴士林等販賣私鹽該汛把總陶世元並不搜捕遊擊陳俸亦不查拿經鹽院訪聞卽委令陳俸拿解陳俸同陶世元前往擒拿不力止獲鹽犯宣大等二十二名私鹽共四千六百三十九包其餘多犯盡皆遠颺審據陳俸供因兵丁分撥防守一時飛調未齊以致未克全獲審據陶世元供並無受賄縱放情弊但大夥私鹽停泊汛地數日而陳俸陶世元竟不擒拿奚能辭咎已於本案革職應請免議至宣大等販賣私鹽歷審供認不諱除王重等病故將宣大等擬以徒杖具題前來除陳俸陶世元已經革職鹽犯王重李四王斗南馮國盛柴三已經病故不議外宣大劉魁張六呂相伯王四周大高雲陳四韓

二陳二唐虎川劉得榮王天耀董七尚二俱應照凡犯私鹽律杖一百徒三年在船不行出首之金寶吾柴漢四俱應照不應重律杖八十但宣大等事犯在康熙五十二年三月十八日

恩赦以前均免罪未獲買鹽之沈相如馬姓袁姓王姓卜官人常六船頭柴士林何林士翁吉士鍾秀吾鹽犯劉德光張文昇俱免緝所有私鹽變價入官再該督疏稱失察私鹽文職係江都縣知縣王銑縣丞黃如潛瓜州巡檢劉士齡署揚州府同知事儀真縣知縣今陞松江府同知許承澎揚州府知府趙弘煜陞任淮揚道王英謀查知縣王銑縣丞黃如潛巡檢劉士齡淮揚道王英謀俱因公出境應邊免議失察武職卽係遊擊陳倅把總陶世元俱於此案革職署瓜州守備事奇兵營千總趙元稱係專防陸路汛境之內並未有私鹽經過職名應請免開監斃李四王重職名係山陽縣捐陞知縣解以敬監斃王斗南馮國盛柴三職名係山陽縣典史汪俊相應附參應將失察私鹽江都縣知縣王銑縣丞黃如潛巡檢劉士齡署揚州府同知許承澎知府趙弘煜陞任淮揚道王英謀承審監斃山陽縣捐陞知縣解以敬典史汪俊均應照例議處事在

赦前相應免議查陳倅陶世元已經本案革職應毋庸議再該督旣稱署守備趙元係專防陸路並無私鹽經過職名免開等語應毋庸議奉旨依議

越境買食有引官鹽餘鹽易米度日擬杖

乾隆八年閏四月刑部咨覆據廣撫王咨稱英德縣民沈三夥同挑鹽沈起閩拒捕毆傷官兵被鎗身死一案緣沈三貴沈寧劉四壽沈文福沈月貴沈開生沈起閩沈起成沈月麟均係英邑貧民向在從化縣屬地方傭工乾隆六年十二月二十日各因歲暮工完結伴回家沈起成因見從化總埠鹽價頗賤買歸自食有餘易米度歲商知胞兄沈起閩及同姓不宗之沈月麟各于是日赴埠買鹽或三四十觔六七十觔不等挑担同行而沈三貴沈寧蝦劉四壽沈文福沈月貴沈開生六人亦因鹽賤希圖順帶回家食用於二十一日先後各在從化起行至二十二日早行至英德縣屬白沙市地方撞遇會齊是日午後同至太平灣墟後河邊被埠丁楊茂探知往報

太平灣汛適右翼鎮右營右哨二司把總譚志到汛操演帶領汛兵張榮張德并埠丁楊茂各携器械前往截拏維時沈三貴沈寧嘏劉四壽沈文福沈月貴沈開生六人挑担後行見有官兵截拏恐悞程途卽將塩担棄河而遁沈起閏沈起成沈月麟三人在前行走沈起閏以向總埠價買官塩給有塩標非同販私並不逃避埠丁攔截營兵放下烏鎗上前扭住不容分辯沈起閏掙脫張榮又向前擒打沈起閏情急拒捕卽將挑塩鐵嘴扁挑抵敵戳傷張榮左肋倒地把總譚志見兵被傷遂舉鈎鎌刀鈎傷沈起閏左臂膊正欲向擒時沈起成恐兄被獲阻悞歸程向前救護遂用扁挑打傷把總額顙把總提刀向砍沈起成而沈月麟卽檢拾土塊擲打中傷把總右眼胞沈起閏復用扁挑連打把總左腿左腰兩處把總受傷倒地營兵張德張榮等急拾起烏鎗齊放打傷沈起閏左血盆心坎等處殞命其尤起成沈月麟因見各兵齊放烏鎗遂各驚懼卽將所挑塩斤與沈起成塩担各棄下河奔逸營兵張德等將把總譚志救護回汛前任英德縣知縣陳洪範據報驗明屍傷隨據塩犯沈起成劉四壽沈文福沈月貴沈開生赴縣投首供開夥黨緝獲沈三貴沈寧嘏到案訊據沈三貴等供認前情不諱查本案塩犯雖有九人實係一時湊合先後同行亦未携帶軍器除爲首拒捕毆傷官兵當場被傷身死之沈起閏及爲從拒捕傷人聞拏自首取供後在監病故之沈起成與在家病故之沈月麟均毋庸議外沈三貴沈寧嘏劉四壽沈文福沈月貴沈開生係棄塩奔避不知拒捕情事均合依塩徒不帶軍器不曾拒捕不分十人上下仍照私塩律杖徒例各杖一百徒三年至配所折責四十板但劉四壽沈文福沈月貴沈開生四犯聞拏自首應照知人欲告而自首例減二等杖八十徒二年至配所折責三十板徒限

滿日遞回原籍約束不許出境沈寧嘏係聽從伊兄沈三貴一同買
鹽挑行沈三貴已經擬徒沈寧嘏應照家人共犯罪坐尊長律免議
再查律載買食私鹽者杖一百因而貨賣者杖一百徒三年係買私
販賣之罪又凡將有引官鹽不於拘定行鹽地面發賣轉於別境犯
界貨賣者杖一百知而買食者杖六十係指客商將官鹽越境販賣
及知而買食之罪故未註有亦同私鹽法之語至小民越境價買官
鹽易米度日律無正條惟乾隆元年三月內戶部議覆兩江總督趙
其題行鹽口岸接壤商店賣鹽案內有越境買食零鹽過四十斤
以上者卽行拏解治罪等語其照何例治罪未經議及查沈三貴等
均係英德縣窮民向在從化縣地方傭工各因歲暮回家見從化卑
鹽價賤帶回自食餘剩易米度歲據訊各犯堅供愚民止知販私有
罪誠意買官鹽並不知有坐罪之條經官兵截拏伊等恐誤程途

卽棄鹽奔避等語似屬無知悞犯與與販私鹽有間律例既無治罪
之條且爲首拒捕之沈起閏當場已被鎗死爲從之沈起成沈月麟
亦已病故現犯沈三貴劉四壽沈文福沈月貴沈開生並未帶有軍
器亦未在场拒捕可否照依官鹽越境貨賣律杖一百折責四十板
查劉四壽沈文福沈月貴沈開生係聞拏自首應照知人欲告而自
首例減二等各杖八十折責三十板沈寧嘏照家人共犯罪坐尊長
律免議相應聲明聽候部議汛兵張榮張德經縣移營歸伍起獲劉
四壽扁挑并沈三貴沈起成沈月貴鹽標燒燬其餘各犯籬筐私鹽
扁挑鹽標據供丟棄無憑起追再本案鹽斤據供買自從化總埠該
處埠商並不知越境與販情事且查閱埠標亦經載明越界鹽不准
照字樣應毋庸議至本案鹽斤係自從化縣總埠價買回至英德縣
太平灣墟後河邊遇官兵截拏拒捕所有疎防及沿途失察各官職

名自應開報但查拏獲與販私鹽例內失察各官係本汛拏獲一半者免其處分其本汛雖未拏獲被別汛全獲者亦免處分今本案塩犯九名塩斤並非買自場灶亦未經過營汛業經英德縣拘獲二名及畏罪自首五名當場拒捕傷死一名在家病故一名已經全獲是英德從化二縣疎防失察專兼統轄各職名均應免開被傷把總譚志兵丁張榮係屬輕傷今已平復沈起閩屍棺飭令屍親領埋再查沈起閩係為首拒捕毆傷官兵應擬斬罪之犯於當場拒捕被傷身死沈月麟係下手拒捕應擬絞罪之犯於未拘獲之先在家病故取有地保族鄰並無捏飾甘結該縣加具印結附繳管獄承審各職名均無憑開報沈起成係應擬絞自首減等擬徒之犯於審供後染患毒瘡病症醫治不痊在英德縣監病故訊明禁卒並無凌虐情弊所有管獄職名係英德縣典史曹士進承審病斃職名係英德縣知縣段開化但承審止病斃一名例得免議除咨吏部外擬合咨達等因前來查沈三貴等既因從化埠塩價賤買歸自食餘剩易米度歲經官兵截拏即棄塩奔走並無拒捕情事正與將有引官塩不於拘定行塩地面發賣轉於別境貨賣者杖一百之律相符沈三貴等均應杖一百折責四十板劉四壽沈文福沈月貴沈開生係聞拏自首應減二等各杖八十折責三十板餘均如該撫所議完結至疎防失察端兼統轄并承審病斃各職名應否議處事隸吏部該撫既經咨明應聽吏部議仍知照廣撫可也

縣差入村查私監生恃行詈逐

雍正十一年十月刑部議覆高明縣斥革監生謝維岳等奪差逐差率眾阻審一案先據廣撫楊 疏稱高明縣引鹽難銷該縣于雍正九年五月二十三日簽差康勝往各村查緝私鹽兼飭保甲買食官塩康勝至對村地方因保甲伍耀儒往山採樵未遇適遇謝維岳詰問康勝告以來因謝維岳謂其多事奪簽藏匿康勝向索謝維岳不與互相爭奪時有監生謝國幹聞聲出勸康勝不從謝國幹因而詈罵將康勝推逐出村康勝回縣稟訴經縣喚訊虛實乃謝維岳又給伍耀儒錢一千文囑其捏供康勝索錢希圖抵飾隨率同族人謝正垂謝粹琬隨入縣堂咆哮阻審歷審不諱將謝維岳擬發邊外爲民謝國幹擬以枷責伍耀儒擬杖等因具題經臣部因康勝奉差緝私與謝維岳等毫無干涉輒敢搶簽逐差復又率眾咆哮阻審看此謝

維岳黨庇益梟阻撓公事之處顯然承審各員並不嚴究庇梟聚黨
寔跡止照刁徒生事例問擬殊屬徇縱應令該撫另委賢員再加確
審按律妥擬具題到日再議等因題駁去後今據該撫楊 疏稱謝
維岳住居對村離縣城僅隔一河又有三臺等三汛環繞兵役往來
巡緝絡繹不絕其所稱私販無從入村之處自屬情寔謝維岳亦無
從黨庇益梟益無疑義將謝維岳等仍照原擬具題應如該撫所題
謝維岳合依刁徒直入衙門挾制官吏不係干已事情別無冤枉者
發邊外爲民例僉妻發邊外爲民至配所杖一百折責四十板該撫
既稱謝國幹審無黨庇益梟但罵逐縣差亦應照原擬依因事聚眾
將公差毆打爲從者監生革去爲民枷號一個月責四十板押交戶
族管束保甲伍耀儒于奪簽逐差時並不在場前經審明得受謝維
岳給過米飯錢一千文雖未聽從誣供而受賄是寔應照原擬照不

應重律杖八十照例先行發落毋庸再議縣差康勝審毋索錢情事
等語應毋庸議脫逃之謝正垂謝粹琬嚴緝獲日另結伍耀儒所得
米飯錢照追入官奉

台依議

鹽梟就撫復販者治罪併該管出結各官處分

康熙五十九年二月刑部會議得鹽梟劉龍裔劉自然等相率就撫一案據江南總督常鼐會同京口將軍何天培等疏稱歷審劉自然等咸供當日悞聽劉龍裔以招撫人多方可聳聽故爾隨聲附和尙有三四百人俱欲受撫實在並無其人將姜天篤等審擬徒罪等因具題除妄供之劉龍裔已經病故劉自然等十六名留充効用龔三等四名應照獲人不獲鹽不坐律均不議外姜天篤張世榮鬼頭王四周五王謨章楊吉甫俱合依犯無引私鹽者杖一百徒三年律徒三年至配所杖一百各折責四十板船鹽變價入官再查定例興販私鹽失察並無因人鹽俱獲免議之例應將失察姜天篤等販私之泰州吏目陳士傑等均照例各降二級留任其失察之大使運判并運使職名應行令該督查叅又定例州縣官不確查盜數申報者罰

俸一年等語該督既稱同知許鈺不察劉龍喬所供虛實卽行通詳應將江寧府同知許鈺照例再罰俸一年又據該督等疏稱梟棍聚散靡常嗣後招撫內或有一次販私許其投首愿食糧者發營考驗入伍愿歸農者量給盤費遞回原籍取各該地方官及本管官卽甘各結存案日後如有復出販私者將本犯發充口外其出結之地方及本管官請照失察卦子例議處至三江口如有已撫復販之梟失于查拏者該同知亦照失察卦子例議處等語應如該督等所請嗣後如有撫梟復行販私審實者將本犯解部發往和樸多烏蘭古木地方其出結之地方專汛兼轄及該管各官俱照失察卦子例降級議處奉

旨依議

續獲販私逸犯

雍正十三年五月刑部覆據蘇撫高 咨稱續獲奉賢縣褚貴等販私拒捕案內逸犯曾信一案緣曾信與夏還駕船一隻欲圖販私尚有張秀陸錦還寶李元惠劉興戴三褚貴各自買鹽搭載曾信船中曾信自買零鹽七十斤于雍正七年七月二十日被巡役楊成等將張秀夏還連鹽獲去劉興起意糾同褚貴戴三還寶李元惠陸錦上岸向巡船水手孫斗索還人鹽孫斗不允劉興卽將孫斗扭打褚貴取木棒毆孫斗左眼胞還寶奪取孫斗鉄梭毆其肩甲脊脊等處孫斗脚踢戴三戴三以拳還毆孫斗之足張秀將鹽拋入水中撐船而遁當經巡役撈獲私鹽一百六十斤陸續拏獲劉興褚貴戴三并灶戶三寶審明販私拒捕是寔除首犯劉興灶戶三寶夥犯李元惠俱病故不議外將褚貴戴三照爲從減等擬流逸犯還寶曾信夏還張

秀陸錦并灶戶劉佳緝獲另結等因奉准部覆將褚貴戴三發遣在案今緝獲逸犯曾信到案歷審供認夥同販私並未幫同拒捕各情不諱曾信除犯無引私鹽輕罪不議外該犯誣扳平人張惠榮賈私應照誣指平人加三等律杖一百流三千里查該犯又于小張三等販私拒捕案內有名應聽彼案審明從重歸結逸犯夏還張秀陸錦還寶灶戶劉佳仍俟緝獲另結小船一隻俟獲張秀等究追無干之張惠榮先經省釋此案失察及監斃職名先經查叅奉文議處在案合併聲明等因曾信應如該撫所擬杖流歸于小張三等販私拒捕案內審明從重歸結脫逃之夏還等仍令該撫嚴緝務獲審擬報部可也

委員縱姪藏賣私鹽

雍正十一年九月刑部會議覆廣督鄂 咨稱石城縣丹兜場委員陳三連徇縱賣私一案緣陳三連着姪陳福發簽收鹽乃陳福於雍正十年七月內囑令灶丁羅文耀楊秀華彭金勝羅維締蘇方郊私藏鹽觔伺便出賣至八月十一日有江林標往白沙販賣鹹魚行至南山條村與陳福相遇福遂招伊買鹽江林標與之講定每鹽一筭重九十三斤價錢六百文適曾富同不識姓名十人陸續亦至見陳福與江林標講賣鹽價遂亦同買陳福將價錢說知各皆應允同至村後山交錢共得鹽錢六千文陳福收受適石城縣差役許權至彼見有私販多人即協同保正等向前擒捉各販奔逸止獲江林標曾富二人并獲鹽一十二担押交保正陳伯萬解送陳福聞知即將賣鹽錢六千文交楊秀茂轉托灶頭羅鼎侯送與縣差央求免解許權

伴爲應允將錢收受次早着令陳伯萬等解鹽自帶私犯江林標曾富二人起行羅鼎侯報知陳福仍令邀求許權不從陳福復令羅鼎侯以縣差不知何故將鹽拿送稟報陳三連不知情由卽帶巡丁李隆駱亞生灶丁羅亞三彭子雄黃德進羅萬品并羅鼎侯等七人趕至大垌村與許權相遇卽將鹽交村長陳澤三秤明共重九百三十斤着令看守并將江林標曾富帶回許權赴縣將錢稟繳該署縣熊士望具稟咨部將陳三連斥革確審陳福等悉將賣私被獲行賄留犯等情供認不諱陳福私賣場鹽除行賄求免輕罪不議外陳福江林標曾富均合依興販私鹽律杖一百徒三年至配所折責四十板侯徒限滿日交與該地方官嚴行管束不許出境陳三連初雖不知情然帶回江林標等查問後知伊姪賣私不行檢舉合依灶丁販賣私鹽大吏知情者枷號一個月例枷號一個月遇熱審減一等枷號二十五日發落已經斥革不准折贖羅文耀楊秀華彭金勝羅維緒蘇方郊私藏鹽斤吳子貴陸有貴蘇秀成私受寄頓均被陳福主使並非自行藏貯但不行勸阻亦屬不合均合依不應重律杖八十遇熱審減一等各杖七十折責二十五板灶頭羅鼎侯不知藏私情事但過付行賄錢六千文值銀四兩三錢五分應與在場同交賍錢楊秀茂均合依過付枉法賍與受財人同科例一兩至五兩律杖八十無祿人減一等杖七十遇熱審又減一等各杖六十折責二十板羅鼎侯應革去灶頭照例先行折責發落巡丁李隆駱亞生灶丁羅亞三彭子雄黃德進羅萬品均係聽從陳三連主使並非行兇應與保正陳伯萬均無庸議賍錢六千文值銀四兩三錢五分與已獲鹽勦一并變價入官脫逃梟犯十名嚴究陳福江林標等堅稱不識姓名住址無憑提訊仍飭該縣勒緝獲日另結再本案在場賣私未運出

刑案實錄 卷八
境卽被拿獲並非失察職名毋庸開報合併聲明相應咨明等因前來應如該撫所咨分別枷責發落完結其贓錢六千文與已獲盜船一并變價入官脫逃不識姓名梟犯十名應仍令該督嚴緝務獲審擬報部可也

領運千總縱容水手販私抄搶

乾隆二年九月刑部會議覆叅革領運千總耿斌縱容水手劉興才等販賣私鹽抄搶傷人一案據直督李 將袁發芝即天祿李文斗徐起奉耿斌均擬以發邊遠充軍高進忠續赴鹽店嚷鬧濟惡助奸應于袁發芝等軍罪上量減一等擬以杖徒劉興才依例擬流知情不首之舵工徐天德擬徒旗丁蔡洪圖擬杖均援

赦免罪逸犯李二等俟東省獲解到日另結等因具題應如該撫所題袁發芝即天祿李文斗徐起奉均合依克徒執持兇器傷人圍繞房屋搶檢家財棄毀器物不分首從發邊衛永遠充軍加爲邊遠充軍例僉妻發邊遠充軍至配所杖一百責四十板耿斌除失察水手販私并索回盜犯旋即放還各輕罪不議外應照將領知情故縱與犯人同罪律亦僉妻發邊遠充軍至配所杖一百折責四十板查袁發芝

即天祿李文斗係糧船小甲水手徐起奉係舵工因盜犯劉興才等被獲輒敢聚衆多人圍繞鹽店打毀器物毆傷商夥店役復至縣丞署前嚷鬧索要盜犯不法殊甚耿斌係運糧千總職司彈壓袁發芝等在鹽店嚷打逞兇之時並不嚴行禁阻以致李文斗亦無顧忌復在拏商夥且代爲索贖盜犯實爲故縱各犯情罪俱屬重大雖事在恩詔以前不應准其援免應合該督仍將袁發芝即天祿李文斗徐起奉耿斌均僉妻發遣舵工高進忠續赴鹽店嚷鬧濟惡助奸應如該督所題高進忠于袁發芝等軍罪上量減一等杖一百徒三年至配所折責四十板劉興才合依夾帶私鹽亦照販私加一等例僉妻流二千里至配所杖一百折責四十板徐天德合依回空糧船夾帶私鹽窩藏寄頓者杖徒例徒三年至配所杖一百折責四十板旂丁蔡洪圖並不親身管押致令水手販私滋擾應照不應重律杖八十時

熱審減一等杖七十折責二十五板但高進忠劉興才徐天德蔡洪圖等均事犯在

恩詔以前均應免罪逸犯李二等應合該督移咨東撫嚴緝務獲移解直省審擬另結拏獲鹽斤等物並修整門窓器物工價均着落袁發芝等各名不追賠給領該督既稱劉興福係劉興才之弟合依一家人共犯止坐尊長律免議劉興旺李天祥楊起奉等均無夥同抄搶情事應無庸議等語均無庸議再該督疏稱劉興才鹽斤係買自沿途貧難婦女零星所積前途失察職名應請免其查叅等語應無庸議奉

古依議

搶奪團塩

乾隆二年八月刑部會覆林松等搶奪塩斤一案據閩督郝 疏稱
緣莆邑場員葉文炳配發團塩給客當有老幼男婦及廢疾人等擁
擠團前爭買挑賣并將團塩扒散在地林松乘間擁入將團塩三十
餘斤連筐搶去當為哨捕方准撞遇向拿林松認為同係搶塩之人
欲持扁挑攔阻迨後聞係哨捕即棄挑負塩斤而逸又有李志生李
奕姐亦先後赴場各將團塩抓取三十餘斤而去及場員葉文炳曉
諭老幼廢疾人等散去點塩約失五百餘斤查該犯雖係各自赴場
並無為首起意糾夥其林松亦無拒捕傷哨情事但乘人衆爭買搶
去塩斤殊屬不法將林松照律擬徒刺字等因具題查搶奪課塩律
無正條應如諛督所題林松李志生李奕姐均比照白晝搶奪財物
律各杖一百徒三年諛督既稱訊據林松等所搶塩斤賣與不知姓

名之人并抓散團鹽之老幼男婦人等亦俱不知姓名均應免其緝
究等語應無庸議但林松等俱事犯在乾隆二年四月十六日
恩詔以前俱應援免再該督疏稱所搶筐鹽並當日失散鹽斤均於林松
等名下照追補項等語應令該督卹 將前項所搶筐鹽并失散鹽
斤作速於林松等各名下照數追完補還原項報部查核奉

旨依議

五人販私拒捕不曾下手擬戍

康熙四十三年十一月刑部會看得南皮縣鹽犯黃二等私販拒捕
打傷巡役陳再亮一案准直撫李光地疏稱緣李三李二李長遠黃
二董沛公共夥五人與販私鹽於康熙四十二年九月初五日寄宿
於劉得吾家至半夜挑鹽出村遇巡役楊有聲崔玉陳再亮喊拿黃
二等棄鹽潛遁李三倡謀復回奪鹽先用扁担打傷陳再亮頭顱再
亮放鎗將李三打死黃二董沛公李長遠背鹽先回李二亦用扁担
毆倒再亮而逸隨經拿獲黃二等歷審不諱將黃二等擬以戍徒杖
罪等因具題除爲首拒捕之李三毆打巡役之李二俱經身死李長
遠在監病故不議外黃二董沛公合依凡鹽徒十人以下原無兵仗
遇有追捕拒敵不會下手者仍照爲從論俱發邊衛充軍律僉妻發
邊衛充軍至配所折責四十板劉得吾合依窩藏鹽犯寄頓鹽貨者

杖九十徒二年半律徒二年半至配所折責三十五板查律內若罪人拒捕其捕者格殺之勿論等語李三拒捕被巡役陳再亮放鎗打死毋庸議陳再亮楊有聲崔玉不卽追捕盜犯以致李三等奪塩俱應照不應重律杖八十各折責三十板已獲塩斤布袋變價入官奉
日知道了

十人以上販私并經過各官處分

康熙二十八年七月吏部議塩販蘇邦興等糾黨三十二人各帶器械與販私塩撞遇巡役拒捕脫逃經拿獲審明供認拒捕情真查定例旗人兵民聚衆十人以上帶有軍器與販私塩失于覺察者將失事地方管管官員革職兼轄官降二級俱留任限一年緝拿等語應將專管寶坻縣照例革職留任限一年緝拿通水道因公出境應將盜案初發例免其處分仍限一年緝拿又定例與販私塩地方失於覺察被人首告一次者降職一級戴罪限一年內緝獲私塩一次者還職一級等語應將經過失察武清縣典史小直沽巡檢均照例各降職一級戴罪限一年緝獲奉

旨依議

十人以下拿獲一半不准免議

康熙三十一年八月吏兵二部議覆刑部咨廖和生等二人販私私
捕一案據廣撫 疏稱失察武官係提標前營千總等第本案盜
犯當經拿獲一半例得邀免等因查十人以上帶有軍器與販私盜
失察各官將案內盜賊拿獲一半者免議十人以下一二人與販私
盜失察各官雖經拏獲一半以上不准免議其拏獲別案盜賊一次
者還職一級今此案與 販私盜夥賊止二人應將失察千總河源縣
巡檢典史署河源縣事縣丞俱照例各降一級戴罪限一年緝獲如
不獲另處至此案兼轄各官應行該撫查明補參再議奉

旨依議

盜犯止用鞭擊並未成傷仍照不曾下手問流

康熙五十年八月刑部會看得據直撫趙弘燮疏稱盜犯李三等拒
捕毆死巡役李三一案緣蘭自富起意販私糾約李三鄭紅印蘭自
平蘭小五兒薄小二哥薄強兒薄四紅眼同夥八人於康熙四十七
年九月初四日共攬小錢六千李三蘭自富薄四紅眼各執鉄尺短
棍蘭自平等俱徒步隨行趕車一輛前往販私途遇楊達子亦隨同
行至寶坻縣買鹽三十石初五日二更時分正拉車行走被巡役李三
等撞遇盤詰鄭紅印等 懼罪潛逃李三情急遂用鉄尺毆傷巡役李
三賺肋等處楊達子立執鞭毆擊李三等乘間驅車逃遁將鹽沿途
賣給得小錢十二千一百文各犯按股均分而散詎李三傷重越九
日身死於本月十四日將李三等拿獲歷審情真將李三等擬戍接
赦具題前來李三合依盜徒十人以下原無兵仗遇有追捕拒敵下手之

人比照聚眾中途打奪罪人因而傷人者絞律擬絞監候不拒捕之
鄭紅印與同行拒捕止用鞭擊並未成傷之楊達子均合改依不曾
下手爲從律杖一百流三千里但李三等事犯在

恩赦以前李三應免死減等餘妻流三千里至配所杖一百折責四十板
仍追埋葬銀四十兩給付死者之家楊達子鄭紅印俱免罪逸犯蘭
自富蘭自平蘭五兒薄小二哥薄強兒薄四紅眼嚴緝獲日另結李
三鄭紅印所分鹽價並車一輛照追入官再該撫疏稱族人私盜事
犯伊主例有處分楊達子係鑲白旗蠻子佐領下間散瓦代家人候
部查議等語楊達子之主瓦代應照例鞭七十但事亦在

赦前應免罪其失察私鹽之該管地方官該撫既稱實抵縣知縣杜之叢
已經別案革職典史徐顯已經病故均毋庸議奉
旨知道了

向村婦買食鹽餉 巡捕拒毆不作私梟拒捕科罪

雍正十二年七月刑部會議覆漳浦縣民陳衆等毆死哨捕陳明等
一案先據福撫趙 疏稱緣雍正十年六月二十五日陳衆挑荳往
墟貨賣向不識姓名鄉婦換鹽三斗有柯問柯南亦挑鹽一二斗彼
此挑回途遇同行適遇哨捕陳明陳瑞巡緝將柯問陳衆攔獲柯問
不服查拿卽用拳毆陳瑞右脇陳瑞用棍還打柯問又用木拐向打
陳瑞左肋右後肋并撞其右耳根時哨捕陳明持鉄尺向打陳衆陳
衆用扁挑擊傷陳明頂心陳明又用鉄尺打陳衆陳衆復用扁挑打
陳明頂心偏左偏右陳明將陳衆扭結陳衆用拳毆陳明左肋柯南
見陳衆被扭亦用扁挑打陳明腦後陳瑞陳明均傷重俱卽殞命旋
經緝獲歷審供認不諱除拒捕毆死陳瑞之柯問已經在監病故不
議外陳衆柯南私帶鹽斤不服盤查共毆致死陳明係陳衆先毆陳

明頂心等處重傷應將陳衆照兵民聚衆與販私鹽十人以下拒捕
爲首殺人例斬監候河南照下手例絞監候等因具題經臣部等衙
門議覆以例內貧難軍民販私鹽肩挑背負易米度日者不必禁捕
等語今陳衆等挑回之鹽該撫既稱並非團團賣給向村婦用荳零
星易換食用等語是村婦所賣之鹽不應禁捕陳衆等各換二三斗
挑回食用途遇同行又非聚衆與販哨捕陳明等輒行擒獲以致陳
衆等不服始將陳明等共毆致斃該撫將陳衆等照私鹽拒捕殺人
例擬以斬絞情罪尚未允協應令該撫再行詳悉妥擬到日再議題
駁去後今據該撫疏稱陳衆雖非聚衆販私但帶有鹽斤遇官差巡
緝而抗拒不服查看及將哨捕毆打致死非尋常鬪毆可比將陳衆
改照拒毆追攝人至死律擬斬監候河南雖毆有致命重傷而扁挑
非係死罪應照律擬杖等因具題除拒捕毆死陳衆之柯南

取供後在漳浦縣監病故不議外查律內鬪毆傷人者杖一百
又律內拒毆追攝人傷重內損以上於几鬪毆加二等至死者斬監
候等語應如該撫所題陳衆照拒毆追攝人至死律擬斬監候秋後
處決柯南用扁挑毆破陳明腦後見骨不應如該撫將柯南依餘人
律擬杖應改照破傷人骨杖一百加二等律徒一年半至配所杖七
十折責二十五板再該撫疏稱此案監斃柯問之管獄官係漳浦縣
典史安大猷錯擬柯南罪名之承審各官臣與按察使李玉鋆於前
駁後即行改正其前護理漳州府事龍溪縣知縣劉良璧監驛道副
使楊弼緒已經卸事未及查改相應一併附參聽候部議等語查定
例斬絞重犯監斃一人者管獄官罰俸一個月又定例駁審事件按
律例改正者將承審官從前舛錯之處免其議處又定例徒罪擬杖
笞者該部改正承問官均免議等語除按察使李玉鋆已經休致護

理漳州府事龍溪縣知縣劉良璧監驛道楊卯緒俱已經卸事未及查改均毋庸議外應將監斃斬犯柯問之典史安大猷罰俸一個月駁後改正之巡撫趙 照例免議又該撫前疏內稱陳衆等所帶之荳向村婦零星買換食用並非團晒所賣并被毆身死之陳明等係該場哨捕所有失察職名應免開叅等語相應免其查議奉旨陳衆依擬應斬著監候秋後處決餘依議

失察私鹽因公出境仍議處

康熙四十九年二月戶部議盧益高 疏玉田營把總張大成呈稱平山和旂丁單德福等販私拒捕捆打官兵一案查定例知縣典史失察私鹽一次者降二級留任道府失察一次者降職一級等語此例內並無因公出境官員免議之條應將玉田縣知縣 典史 均照例降二級留任典史無級可降革職留任通永道白 照例降職一級奉

旨依議

鹽梟持械傷兵復搶奪財物不准 赦免

雍正二年九月刑部會議復署蘇撫何 疏稱嘉定縣民陳寅與蘇
天壽合本販私蘇天壽未經全行陳寅雇舵工施五水手王一王四
駕舡前往崇明縣七效洪地方向灶戶王正玉施四買得私鹽四十
五包裝在舡內于康熙五十五年四月十二日載回嘉定縣張行橋
停泊蘇天壽接遇遂雇何鑑張宮挑運并有買食鹽之李乾張太宋
申髻子同為挑負適被巡鹽兵捕黃貴等撞遇盤獲蘇天壽在彼居
住素相熟識之陸求蘇分徐明陳已并陳寅一同拒捕陳分後至陳
寅執鉄磨板打黃貴左額角王二執布尺毆傷黃貴右臂陳已拳打
未着適有王招在彼乘機同陳寅等至巡舡內搶取銀衣等物陳寅
等將鹽拋棄河中并將巡船駕往崇明賣去歷審不諱除施五何鑑
于解審中途病故王四張宮于取供後在監病故不議外陳寅合依

私鹽拒捕者斬律擬斬監候陳已陸求合依爲從減一等律各杖一百流三千里應援引康熙六十一年十一月二十日

恩赦免罪但陳寅陸求陳已持械拒捕毆傷巡兵又復搶奪船隻財物梟惡已極不便援免應將陳寅仍照律擬斬監候陸求陳已仍照律各僉妻流三千里至配所責四十板王二合依私鹽受雇駝載律杖八十徒二年李乾張太宋中善子俱合依買食私鹽律各杖一百高留搶犯王招之李咬榮合依不應重律杖八十但王二等事在

恩赦以前均應免罪釋放脫逃幫助拒捕之蘇天壽蘇分徐明嚴緝獲日另結脫逃未曾拒捕之陳分搶犯王招灶戶王正玉施四均應免緝陳寅等載鹽船隻變價入官所搶巡船銀錢等物俱照追給主所販私鹽已經拋棄河中應毋庸議又稱除嘉定縣已將私鹽拏獲文武各官職名應邀免開外所有買私鹽處失察文職係前任崇明縣丁

憂知縣史印坦西河司告休巡檢朱毓華蘇州府陸在任知縣張其仁

已故知府梁穆護理蘇松道事鎮江府已故知府陳士鏞武職係崇明鎮已革把總王國治遊擊時爲煥其解審中途脫逃之蘇天壽應擬流罪從前錯擬絞罪之承審官係前任嘉定縣指陞知縣李士監斃王四之管獄官係署長洲縣典史事蘇州府已故照磨龔調鼎監斃張宮之管獄官係嘉定縣病故典史姚喜起承審病人犯四名係蘇州府已故知府梁穆各職名相應附參前署嘉定縣事吳縣縣丞趙敬禮承審時止病故王四施五二名前任嘉定縣指陞知縣李士甄承審時止病故張宮何鑑二名該司未經承審各犯均先病故職名毋庸開列等語查定例內官員該管界內私行煎鹽或私賣者專管官降三級調用兼轄官降一級罰俸一年又定例承問官將正犯雖限內取有口供不早行題結監斃一二人者免議等語除梁

穆陳士鏞龔調鼎姚喜起時爲煥俱經病故史弼坦李士甄王國治
俱經另案革職朱毓華已經休致趙敬禮承審止病故王四施五二
名例得免議該司未經承審各犯俱先病故不議外應將張其仁照
例降一級罰俸一年事在

赦前相應免議奉

旨依議

賈私拒捕毆死派兵

雍正七年三月刑部會議覆蘇撫尹 疏稱泰州民王玉駕船帶載
鮮魚蘿蔔生理在于陳旭士六灶上以鮮魚蘿蔔零星易換私鹽積
成五十三包于雍正四年十月二十四日載至劄伯鎮發賣楊士雄
說合賣與張有德鹽六包餘鹽亦賒與張有德張有德將鹽一併寄
頓孫寡婦家卽被揚州營巡快孔言李士能聶升任玉田升張祿丁
標等將張有德人鹽拿獲張有德之親王士俊聞知出而調處遂邀
孔言至孫寡婦家飲酒說合孔言先索公禮二十兩又偏手銀五兩
張有德止出銀六兩八錢交付王士俊轉給王士俊止付孔言銀二
兩七錢四分餘銀入已以致孔言不遂其欲仍將張有德人鹽起載
巡船而去行至腰鋪將船停泊鎖張有德于營房候至更深王士俊
趕至欲領鹽賣銀給付孔言不允正在爭論而王玉以鹽雖賒與張

有德尚未付銀仍係已物又以孔言既得銀兩復將張有德鎖去心
懷不平糾同楊士雄陸子如董七侯見子前徑爭開汛兵金成卽拾
磚拋打王玉王玉亦拋磚還擊悞中金成太陽張有德乘間挖壁兔
脫金成傷重越六日殞命歷審不諱按擬具題除說事過錢之王士
俊取供後在江都縣監病故同行拒捕之董七未經到案病故巡役
丁標解審中途病故均不議外販私拒捕毆死汛兵之王玉合依捕
獲罪人中途打奪殺人爲首者斬律擬斬監候秋後處決照例刺字
同行拒捕之侯見子楊士雄陸子如均合依爲從減一等律僉妻流
三千里至配所責四十板但楊士雄陸子如又于興化縣李泰山搶
犯拒捕案內有名應聽彼案審明從重歸結販私之張有德應照犯
無引私鹽律杖徒但被獲脫逃應照律加逃罪二等僉妻流二千五
百里至配所責四十板孔言合依受財故縱與囚同罪律照張有德

販私本罪徒三年至配所責四十板不能納項之陳旭士合依
灶丁夾帶餘鹽出場及私煎貨賣律徒三年至配所責四十板任聽
伊毋窩頓私鹽不行諫阻之孫老漢合依窩頓私鹽律徒二年半至
配所責三十五板巡役李士能蘇升任玉田升張祿雖未得財但聽
從孔言指使不行攔阻俱照不應重律杖八十據稱已經責革發落
毋庸議孔言王士俊所得銀兩照數追出并現獲鹽斤船隻變價入
官又稱監斃流犯王士俊之管獄官係江都縣典史王睿毅失察私
鹽文職係署泰州事原任海州知州焦獻猷吏目蔣廷相西溪司另
案革職巡檢劉振高郵州解任知州張德盛吏目徐錦武職係泰州
營把總曾勝高郵州把總胡有功失察場官職名係何埭場大使陳
鵬泰州丁憂分司丁世隆失察孔言詐贓之該管官係揚州營陞任
守備劉之璧等相應附叅查王玉之鹽自泰至揚卽被分司巡役王

成等協獲係屬所轄境內職名應邀免議兼轄文武職名亦屬統轄境內望獲應免開報等語除焦獻猷劉振曾勝胡有功劉之璧俱經別案革職毋庸議其王玉之鹽既稱自泰至揚卽被協獲係屬所轄境內職名應邀免議兼轄文武職名亦屬統轄境內望獲應免開報等語均應免其查叅外應將典史胡睿毅照例罰俸三個月吏自蔣廷相知州張德盛吏目徐錦泰州分司丁世隆均照例降二級留任查蔣廷相徐錦俱無級可降應革職留任張德盛已經別案解任丁世隆已經丁憂均應于補官日降二級留任何塚場大使陳鵬照例革職奉


日依議

傷人首犯在逃餘集先行擬結

乾隆七年十月刑部會議覆陽春縣民劉子佳等販私拒捕毆傷兵丁廖輝俊一案據廣撫王 疏稱緣劉子佳等于乾隆六年三月二十八日挑米赴恩平縣萌底墟糶賣得錢見該處鹽價頗賤遂向不識姓名老漢買鹽三十斤適有黃可立岑士才岑士乾鄒俱上岑士進劉成一并不知姓名一人俱在萌底墟旁向不識姓名年老男婦買鹽三四十斤不等各自挑賣行至逕口埔地方先後湊遇其黨八人結伴潛行時雨水泥濘四月初二日黃昏時候行至古丁垌山旁被牛軛曲汎管隊廖輝俊望見帶領兵丁關世法張世榮等各持木棍前往擒拏追至潭界平塘村前各犯棄鹽奔逸當獲私鹽五擔着兵張世榮看守廖輝俊等仍分路追拏并喊同鄉民麥秋榮等齊出幫護追至石脚寨外捉獲鹽犯劉成一黃可立帶回平塘村前兵丁

張世榮等并將所帶木棍挑鹽押犯回汛維時廖輝俊因分路追見岑士俊劉子佳奔逸向前擒拏趕至平塘村外岡邊岑士進劉子佳慮難躲避各持扁挑在手岑士進適在廖輝俊身左廖輝俊舉棍向打岑士進岑士進起意拒捕用扁挑向打廖輝俊脊背一下而遁廖輝俊舉棍趕打劉子佳劉子佳亦將扁挑抵格打落廖輝俊木棍廖輝俊上前欲奪劉子佳扁挑劉子佳情急復以扁挑向打廖輝俊廖輝俊恐被傷頭以左手曲護被劉子佳打傷偏左連及左手臂劉子佳退走廖輝俊氣忿復向追擒劉子佳轉身又用扁挑打傷廖輝俊左腿廖輝俊蹲地劉子佳當即奔逃追兵丁吳士達尾追至彼見廖輝俊被傷往報保甲邵經邦等同將廖輝俊扶掖回汛次早廖輝俊將人盜稟解把總彭興移縣驗傷并訊獲犯劉成一黃可立供開同行逃之人劉子佳等陸續拘獲研訊劉子佳將販私拒捕先後毆傷

兵丁各寔情供認不諱查律載二人共犯罪而有一人在逃理稱逃者為首更無証佐則決其從罪等語今為首拒捕之岑士進未經拏獲則劉子佳應照律決以從罪又定例鹽徒為首毆傷巡後一人照罪人拒捕毆所捕人至折傷以上者絞監候為從減一等例劉子佳係後下手拒捕將劉子佳依例減一等擬流黃可立等均依律擬徒未獲之岑士進并不識姓名私販一人緝獲另結等因具題應如該撫所題劉子佳合依鹽徒為首毆傷巡後一人照罪人拒捕毆所捕人至折傷以上者絞為從減一等例杖一百僉妻流三千里至配所折責四十板該撫既稱黃可立岑士才劉成一鄧與上並未在場拒捕亦無攜帶軍器均合依不帶軍器不曾拒捕不分十人上下仍照私鹽律杖徒例各杖一百徒三年至配所折責四十板俟徒限滿日遞回原籍嚴行管束岑士乾聽從伊兄岑士才共買私鹽一擔



岑士才已經擬徒岑士乾應照家人共犯罪坐尊長律免議管隊廖
輝俊兵丁閔世法等及地保邵經邦等先行摘釋各犯所挑鹽斤據
供係向不識姓名年老男婦買來並非買自場灶無憑查究拒捕扁
挑鎊行銷毀黃可立鄧與上等扁挑鹽斤俱供丟棄傾卸無存均無
憑起追已獲劉子佳等私鹽伍担共重一百六十八斤發埠變價分
別入官給賞被傷廖輝俊久已平復失落纓帽木棍並非劉子佳等
搶奪應免究追等語均應如該撫所議完結其未獲之岑士進并不
識姓名私販一人應令該撫嚴緝務獲照例審擬具題另結再該撫
疏稱本案盜徒八人已獲六名未獲二名獲犯已經過半所有疎防
各職名應請免開其各犯挑鹽經過沿途失察職名俟查開到日另
奏等語查定例盜徒拒捕殺傷兵丁全獲者免議拏獲一半者專兼
統轄官俱免其處分餘賊限一年緝拏等語今此案盜徒八人已獲
六名尚有二名未獲疎防各官例應限年緝拏應行令該撫將職名
并沿途失察各官一并查奏到日再議三武職疎防并沿途失察職
名應令該督查奏到日再議奉

旨依議

糧船夾帶私鹽

雍正二年十二月刑部會議覆蘇撫何 疏稱緣山陽縣沙玉買有
蘿蔔乾一百担欲赴楚賣偶值染病托李必宗帶去李必宗復向沙
玉借銀二十兩在淮買零賣私鹽五千斤附塔湖北回空頭幫三十
七號糧船內該幫頭號六號船內有吳起鳳吳一灰等浼江都縣便
益門居住之劉朝等向官鹽店汪仲輝買得官鹽四萬斤又有陳學
等在路零賣私鹽一萬三千餘斤又有華子正等亦各販有私鹽在
船開行後沙玉病痊趕與李必宗同船而往雍正元年正月初七日
該幫糧船出江惟吳起鳳等五船落後巡鹽兵快魏玉等見船沉重
追趕搜拿詎吳起鳳等拒捕當有不知姓名人用石擲傷巡役朱明
等三人沙玉用篙戳傷魏玉後巡役兵丁人等協力擒獲李必宗等
并未販私之余天錫等共十三名起出私鹽共八萬二千四百餘斤

歷審不諱朱明等傷俱平復按擬具題除爲首拒捕之吳起鳳于取
供後在監病故販私之劉老三未經到案病故均不議外傷人之沙
玉合依十人以下遇有追捕拒敵因而傷至二人以上下手之人應
比照聚衆中途打奪罪人因而傷人者絞律擬絞援雍正元年二月
二十日

恩赦免罪但沙玉違法與販私鹽遇有巡捕緝拿毫不悞罪反率衆拒捕
殊干法紀風不可長應將沙玉仍照律擬絞監候不曾傷人之李必
宗陳大有六人俱合依不曾下手者仍爲從論發邊衛充軍律杖一
百發邊衛充軍並未拒捕之吳一灰三人應照販賣無引私鹽律杖
一百徒三年江仲輝應照官鹽發賣于別境律杖一百但雍正二年
閏四月內定例如同空糧船夾帶私鹽照賣私鹽人加一等杖一百
流二千里又賣私之人貨賣于糧船者杖一百流二千里

灰等不便照律擬徒應將一灰等照回空糧船夾帶私鹽例杖一百
流二千里汪仲輝照貨賣于糧船例杖一百流二千里說合買私之
劉朝等合依引領牙人杖徒律各杖九十徒二年李必宗等事犯
俱在

赦前均應免罪販私脫逃之華子正等五人及丁舵侯世朝等三人亦應
免緝該撫既稱余天錫王有正寔係並未販私已經釋放無庸議所
獲私鹽變價入官奉

旨依議

掃土煎鹽出賣被獲糾眾搶犯致傷道差

雍正九年十二月刑部會議覆蘇撫喬 疏稱碭山縣民蒙三因田禾被淹遂掃積鹽土零星煎鹽希圖貨賣于雍正六年八月初四日負鹽二十八斤至張家集出賣有宋妮亦負土鹽在集致被東省鹽道差役莊進忠帶同家人安連舉并縣役張在與展學禮拏獲押解赴縣有庄頭王四麻子聞知恐致冤及連累起意搶奪糾同楊四張漢臣段乾王忙牛蒙大趙貴王大周蒙二一共九人各帶木棍等械前往行至途間又與宋妮之父宋二十相遇一同追至萬家屯地方展學禮看見慮被搶奪先將所獲蒙三之鹽赴縣具報莊進忠押犯在後致被追獲張漢臣先開蒙三之鎖宋二十亦開宋妮之鎖將鹽一併奪回莊進忠等爭執宋妮輒奪莊進忠批票付與王四麻子比王四麻子看係山東差批即指為假捏同楊四張漢臣喝眾攢打蒙

三宋妮亦俱助毆以致莊進忠等三人俱各受傷報縣驗傷又據保
正李與純在于蒙三井王二家內搜出土塩各一口袋稟縣通詳緝
獲各犯歷審不諱莊進忠等傷經平復按擬具題除為首糾眾搶奪
之王四麻子為從之蒙二俱于取供後在監病故不議外蒙三應照
塩徒聚眾十人以下原無兵仗遇有追捕拒敵因而傷至二人以上
者下手之人按例擬絞監候照例刺字楊四張漢臣段乾王怵牛均
照官司差人捕獲罪人但聚眾中途打奪為從者若係異姓同惡相
濟俱發邊衛充軍例各僉妻發邊衛充軍至配所責四十板現獲土
塩共二百五十斤并裝塩口袋變價入官脫逃之宋妮宋二十蒙大
趙貴王大周并存頓土塩之王二獲日另結又稱所有監斃王四麻
子蒙二之管獄官係礪山縣典史杜玉相應附奏聽候部議此案私
塩係掃土私煎並非買自場灶已經拏獲失察職名應免開報等語

除此案私塩既非買自場灶已經拏獲失察職名應免開報等語

將監斃斬犯王四麻子之典史杜玉照例罰俸一月查杜玉又監斃
流犯蒙二應照例再罰俸三個月奉

旨依議

販私間徒因疾收贖復糾眾湊銀買鹽拒傷兵快

雍正十一年十一月刑部會議覆蘇撫喬 疏稱高郵州民陳八于
雍正六年在鹽城縣另案販私被獲擬徒稱係廢疾經鹽邑驗詳收
贖完結隨挈同伊子陳大陳二駕舡至儀徵地方覓食雍正十年五
月內陳八探知江浦鹽貴輒又起意與販與孫天相李文魁李士魁
謝七謝大張四游子玉朱鵬飛等商謀孫天相等允從即各湊銀交
付陳八陳八轉托鄭三代為收買鄭三又挽顧四王六領至顧五謝
三兩家買得零星收積鹽十四担鄭三又將自己零收鹽五担計重
一千九百斤雇胡大之船裝載于閏五月初六日運交陳八收受陳
八轉交孫天相等六舡分貯並未攜帶器械即于初七日自儀徵開
行由青山東溝經六合縣礮山碾頭溝等處至十一日齊抵江浦縣
西江地方張四李文魁朱鵬飛等分駕三船各自沿河覓售陳八孫

天相謝七等三船潛泊段家港內李文魁負鹽登岸被地保茹聚升
塩快朱福等率獲解縣李士魁聞知卽赴縣投首供出夥梟姓名并
陳八等泊船處所卽差塩快朱福等協同兵丁鍾志前往緝拏陳八
輒倡首拒捕執持木篙打傷鍾志右額角孫天相之妻許氏亦持菜
刀砍傷鍾志頂心陳大陳二孫天相謝大各持竹篙在場助勢惟謝
七卧病在船未同拒捕兵快力不能制各犯遂開船將塩棄水而遁
朱福等報縣詳緝陸續弋獲各犯鍾志傷已平復審擬具題除朱鵬
飛謝七游子玉均病故不議外陳八合依私塩拒捕者斬律擬斬監
候刺字拒捕砍傷兵丁之許氏幫同拒捕之孫天相陳二謝大俱合
依爲從減一等律僉妻流三千里至配所責四十板許氏係跟隨伊
夫孫天相僉遣折責毋庸議贖先各四散賣塩不知拒捕情事之張
四李文魁及収塩轉賣之鄭三顧五謝二均合依犯無引私塩律徒
三年至配所責四十板李志魁于伊弟被獲之後投首合依知人欲
告而自首者減罪二等律徒二年至配所責三十板顧四王六合依
引領牙人律各徒二年半至配所折責三十五板船戶胡大合依受
雇馱載律徒二年至配所責三十板已起塩斤并胡大得受船銀變
追入官陳大獲日另結又稱各犯塩斤並非買自場灶所有沿途經
過失察職名現在移行查取另報至陳八先于另案販私在塩城縣
捏報廢疾收贖應聽塩邑審明另行詳奏等語應令該撫作速查明
另參又稱監斃朱鵬飛謝七之管獄官係按察司司獄魯起鵬游子
玉亦罪應擬徒患病保出身故合併聲明等語查魯起鵬已經病故
游子玉保出在家病故均毋庸議奉

旨依議

販私拒捕致傷兵役

雍正十一年二月刑部會議覆蘇撫喬 疏稱華亭縣民小張三起
意販私糾合趙元趙五金大馬才金天祿金催阿嚴蔡正信赤脚徐
才同夥十人于雍正九年八月十一日小張三向袁浦場灶戶孫三
買鹽三担分裝六包趙五趙元各帶自煎私鹽三包馬才帶零積私
鹽一包金催蔡正信赤脚徐才各挑鹽多寡不等金天祿金大托金
催代買私鹽三包約于是晚在張家埭地方駕蔡正信之船載運出
賣各犯屆期挑鹽下船惟金大金天祿未到小張三等不及等候遂
先開行更深時候適遇青村營塘兵李必勝袁浦場場役徐尚在岸
巡緝見而喝查金催惧罪登岸欲遁李必勝等追拏小張三恐金催
被獲輒持竹篙呼眾拒捕趙元未經隨行趙五阿嚴蔡正信赤脚徐
才馬才各跟隨登岸追近兵役小張三趙五各在地拾磚拋打小張

三磚傷李必勝頂心偏右趙五磚傷徐尚頂心偏左李必勝等走避遺棄衣帽槍棍被金催徐才蔡正信等拾取回舡行至吳庄壩金天祿金大始負鹽上船聞知拒捕情事各懷畏懼遂將鹽托付金催代賣仍先登舡回家小張三等將鹽載至張小俊家發賣得錢而散先後拏獲小張三等兵役傷經平復審擬具題除夥犯馬才金天祿取供後在奉賢縣監病故并應擬徒罪之金大續據該撫咨報于雍正十年八月二十九日在奉賢縣監病故又題報應擬斬罪之小張三于雍正十年九月十七日在奉賢縣監病故均不議外趙五合依下手之人比照聚眾中途打奪罪人因而傷人例擬絞監候照例刺字未曾同行拒捕之趙元合依凡犯無引私鹽律徒三年至配所責四十板灶戶孫三合依灶丁私煎鹽貨賣者同私鹽法律徒三年至配所責四十板私秤張小俊合依秤手牙人律徒二年半折責三十五

板趙元又于奉賢縣金壽販私案內有名應將趙元嚴行監禁俟金壽販私之案審明從重歸結金催蔡正信阿嚴赤脚徐才緝獲另結各犯賣得私鹽價錢照追入官又稱未起私鹽舡一隻并拾取兵役衣帽鎗棍俟獲逸犯究追等語應俟拿獲逸犯之日將船隻衣帽等物究追分別入官給主又稱失察私鹽經過地方文武官弁場員職名現飭查齊至日另行咨參等語應令該撫查明補參奉

旨依議

夥衆偷鹽毆傷巡役

雍正九年十二月刑部會議得鹽山縣民王開等盜扒灘鹽并巡役張五鎗傷王五身死一案據直督唐 疏稱緣王開卽王大轄子於雍正六年三月二十九日夜率領伊弟王二轄子并姚本才羅三王子呂劉八禿子劉二麻子田四俱各帶驢頭蓆菱口袋潛赴史灘盜扒鹽斤有夏清張五美劉名劉立劉四公孟四亦至灘扒鹽又有張俊劉四劉五禿子羅四呂帮子姚四姚五梁大任二姜禿子李二劉三傅文劉八張陸續至彼適與王開等不期而遇各犯均未携帶軍器獨本才手執三眼鎗一桿群賊裝鹽欲逃被巡役吳漢章張五楊福林孫三陳七杜旺張福傑馬五張子連等撞遇喊拏王開等聞聲棄鹽奔逸吳漢章等追捕張俊因吳漢章執持鳥鎗遂用挑鹽木桿擊落吳漢章復持刀恐嚇張俊又用木桿擊下吳漢章卽行退避而

張五楊福林趕至西猴庄聽聞有人叫門收驢卽追至王開門首見王開之父王五持棍開門而出張五疑其拒捕放鎗恐嚇適中王五左腿左膝肋倒地當卽殞命王開捏以惡商龐坦挾嫌率衆打死赴控旋據夏清張五美投首并緝獲各犯到案歷審供認不諱將張五照開毆而悞殺旁人者以開殺論律擬絞監候張俊照犯私鹽拒捕擬斬監候照例刺字王開照誣告人死罪未決律擬流姚本才照犯私鹽帶有軍器律擬流王二轄子等擬徒夏清等照自首律免罪等因具題查王開等盜扒灘塩經巡役張五楊福林追至王開門首聽聞有人叫門收驢王開之父王五卽持棍開門而出張五疑爲拒捕卽行放鎗恐嚇以致王五中傷身死看此王五開門收驢則於伊子盜塩之事顯屬知情其王五有無拒捕張五果否擅殺之處自應嚴審明確按律妥擬今該督將張五照開毆誤殺旁人律定擬請罪未

協令該督再加詳審務得寔情妥擬具題到日再議奉

旨依議 又雍正十一年三月刑部會看得塩山縣王開等盜扒灘塩并巡役張五鎗傷王五身死一案先據直督唐 審擬具題經臣部等衙門查核題駁去後今據直督李 疏稱審擬王開等僉供當夜盜扒灘塩伊父王五原係知情是以四更有餘尚在守候追後聞喊收驢隨帶開門木棍開門出視年老之人未曾拒捕卽被張五用鎗打傷身死訊張五亦供稱是夜寔因追趕氣喘眼昏未及看清瞥見王五持棍開門而出疑爲拒捕放鎗等語查王五旣知伊子扒塩卽屬盜塩全夥亦爲應捕罪人將張五照開毆誤殺律問擬原屬未協但已死之王五年逾七旬止知盜塩情由旣不拒捕何得擅殺張五應改罪人不拒捕而擅殺者以開殺論律擬絞監候原擬流罪之王開於雍正十年三月內雙目皆瞽已成篤疾該犯原擬流罪應照律

收贖至原案盜犯拒捕之張俊仍應擬斬刺字姚本生等均照原擬分別流徒等因具題應如該督所題張五合依罪人不拒捕而擅殺者以聞殺論律擬絞張俊合依犯私盜拒捕律擬斬俱監候秋後處決張俊照例刺字王開合依誣告人死罪未決律僉妻流三千里至配所杖一百折責四十板加徒役三年今該督既稱王開雙目皆瞽已成篤疾照律收贖等語應照律准其收贖姚本才合依犯私盜帶有軍器律僉妻流二千里至配所杖一百折責四十板王二轄子田四劉五禿子羅四呂帮子姚四姚五梁大均合依犯私盜律徒三年至配所杖一百責四十板自首之夏清張五美應照例免罪脫逃之羅三王子呂劉入禿子劉二麻子劉名劉立劉四公孟四任二姜禿子李二劉三傅文劉四劉八等應令該督嚴緝獲日另結所獲盜斤鹽頭鹽皮等物變價入官該督疏稱吳漢章所執烏鎗查係官給母庸指叅其失察姚本才所執三眼鎗之前任鹽山縣知縣李躍龍已經別案革職再此案誤引律例之鹽山縣知縣何其慧自行審明改正且張五仍依絞抵罪名原無出入應請免議等語均毋庸議再該督疏稱張五之父張一益母王氏皆年逾七旬該犯育有一子亦經病故寔係家無次丁取具印甘各結送部應否准其留養伏候上裁等語應將張五照例將所犯罪名應侍緣由開具奏聞倘蒙聖恩准其留養行令該督將張五照例枷號兩個月責四十板仍照該督所擬依無力情輕例追埋葬銀十兩給付屍親收領取具領狀報部存案如未追給捏稱已給即將本犯釋放後被告發本犯不准免罪將該地方官一併交與吏部議處奉

旨張俊依擬應斬着監候秋後處決張五從寬免死照例發落准留養親餘依議

取私被獲糾眾索犯致傷巡役

雍正九年九月刑部議覆先據蘇撫尹 咨稱奉賢縣民曾信夏還
駕船販私張秀陸錦還寶李元惠劉興戴三褚貴各自買鹽搭載曾
信之船于雍正七年七月二十日從奉賢縣陸家宅開行未遠即被
巡役楊成等追獲張秀夏還二犯劉興遂起意糾眾上前計還人犯
比巡船水手孫斗不允劉興即扭打孫斗褚貴取木棒毆打孫斗左
眼胞還寶奪取孫斗鉄梭打傷肩甲脊背等處孫斗脚踢戴三戴三
以拳還毆孫斗之足張秀將鹽拋入水中揮船奔逸陸續拏獲劉興
戴三褚貴等歷審不諱除劉興李元惠并灶戶三寶俱經身故不議
外褚貴戴三俱應流三千里逸犯還寶曾信夏還張秀陸錦并灶戶
劉佳緝獲另結等因咨部本部以事關販私拒捕行令該撫妥議具
題并取該場失察職名查叅去後今據該撫咨稱褚貴等九人各自

販私相遇塔船同行並未帶有軍器及過巡拒捕寔係劉興起意被傷水手孫斗一人旋經平復與豪強塩徒聚眾持械拒敵者有間褚貴戴三相應仍照原擬依販私拒捕爲從減一等律各杖一百流三千里逃犯曾信等獲日另結現獲之塩變價入官監斃應擬斬罪之劉興管獄官職名係奉賢縣典史王慶吉失察灶丁賣私職名係原任管理袁浦場大使事候選司務范仕估協理大使候選知縣俞維塘相應開列至此案私塩未經出境卽被場役拏獲所有地方文武并場員失察職名均邀免議現犯罪止擬流相應抄詳咨達等因前來褚貴等均如該撫所議完結至議處文職事隸吏部將原咨抄詳咨送吏部議可也

販塩拒捕聚眾搶犯并搶衣物

雍正十年五月刑部議覆蘇撫喬疏稱南匯縣民陳四爛眼于雍正八年八月初六日向青村場灶戶沈公超及開油店之錢升湊買塩七十斤途遇陳四亦向不知姓名人買塩七十斤挑回販賣遂合伴同行至戚家行地方經巡役沈南楊成章巡船遇見喝拏陳四卽棄塩逃遁沈南等登岸將陳四爛眼人塩並獲下船開行詎陳四起意拒搶令馬生糾合杜五蔣十又自約嚴四趙天飛秦大頭一共七人追至十四畝地方值沈南泊船炊飯陳四卽首先跳上巡船裂斷陳四爛眼頸上鉄鏈沈南扭住陳四爛眼不放陳四取船上鏈條攢傷沈南右領頰陳四爛眼亦將裂斷鉄鏈攢傷沈南右眉叢鬮嚴四蔣十杜五隨後上舡嚴四將所執木段打傷楊成章右腿蔣十用所執扁担打傷楊成章右膝朋秦大頭趙天飛馬生在岸聲喊助勢巡

役船戶驚惶奔避陳四等遂將船內衣帽等物各行搶去杜五蔣十將巡船及船內之物一併搖去適陳四爛眼之姊夫張朝觀經過陳四爛眼令將搶回私鹽挑送回家陳四亦將已鹽挑歸各發賣而散沈南報縣驗詳緝獲陳四爛眼等審擬具題前來除為首拒捕傷人之陳四及聽從指使搶犯之秦大頭俱于取供後在奉賢縣監病故不議外陳四爛眼合依鹽徒聚眾十人以下原無兵仗遇有追捕拒敵因而傷至二人以上者下手之人絞例擬絞監候嚴四趙天飛馬生均照差人捕獲罪人聚眾中途打奪因而傷差人者絞為從減一等律嚴四趙天飛均僉妻流三千里至配所責四十板馬生犯罪時年止十三照律收贖沈公超合依灶丁夾帶餘鹽出場貨賣同私鹽法凡犯私鹽者杖徒律從三年至配所責四十板錢升應照買食私鹽因而貨賣律從三年至配所責四十板張朝觀應照受雇挑擔律從二年至配所責二十板已起船隻衣服給主收領未起贓物着落各犯家屬名下進賠脫逃之蔣十杜五緝獲另結奏

旨依議

販私拒捕致傷鹽快

雍正十年六月刑部會議覆蘇撫喬 疏稱華亭縣民小楊三會無聊生起意販私糾同楊成馬大陳天二張福周朝孫太毛二杜三同夥九人合湊銀二兩二錢五分周朝租船一隻于雍正三年十一月十七日至袁浦場向灶戶劉瑞買鹽五担裝載開行由南橋莊家行虹橋港等處經過十八日早行至女兒涇適遇鹽快孫太駕船巡緝尾追至千步涇地方各犯將鹽丟棄河內小楊三馬大張福執棚柱防身同周朝楊成陳天二赴岸奔逃孫太持篙率同水手上岸追擒小楊三恐被弋獲輒喝眾拒捕各犯聽從回身格鬪孫太之水手驚慌奔逸楊成即奪篙毆孫太左腿馬大亦用梢棚柱毆孫太頭顱張福用梢棚柱毆孫太左膝周朝用拳打落孫太門牙孫太倒地周福張福剝取孫太衣帽等物而遁比孫太毛二杜三駕船先逸不知拒

捕情事孫太稟縣驗詳緝獲小楊三等審擬具題前來除拒捕為從之張福于取供後在華亭縣監病故不議外小楊三合依私鹽拒捕者斬律擬斬監候照例刺字楊成馬大陳天二均合依為從減一等律僉妻流三千里至配所責四十板孫太毛二杜三均合依凡犯無引私鹽律徒三年至配所責四十板孫太被搶衣服照追給領脫逃拒捕為從之周朝并灶戶劉瑞緝獲另結奉

旨依議

鹽徒聚眾十人以下拒捕傷人

康熙二十八年十二月刑部議得徐義等販鹽拒捕毆斃人命一案據江撫洪之傑審擬絞戍流杖援

赦具題查首犯徐聖甫與徐義王金車全俱係嘉定縣鹽快幫役借巡鹽于康熙二十八年七月十三日晚徐義王金車全周禿子袁八共五人一船裝載私鹽住泊海口適有太倉州巡捕陳忠瞭見帶同水手張祥施二駕船往捕徐義等情慌將鹽七十四包拋海揚帆開行陳忠等尾追而徐聖甫王金袁二徐雲四人另駕一船聯夥拒捕綁縛陳忠施二上岸勒賄拋失鹽價不遂聖甫逞兇先毆喝令徐義王金車全各執棒棍攢毆陳忠悶地復甦施二傷重殞命扛屍拋海復將剩鹽二十四包搬入陳忠船內勾通鹽快陳吉金美徐仁反行誣告陳忠私販歷審情真除脫逃之徐聖甫嚴緝獲日另結外徐義王金

車全俱合依盜徒聚衆十人以下原無兵仗遇有追捕拒敵傷至二人以上者下手之人絞律俱擬絞監候秋後處決王盛甫周禿子袁八袁二徐雲俱合依不曾下手律僉妻發邊衛充軍陳吉金美俱合依盜徒誣指平人加三等律各杖一百僉妻流三千里缺福知毆情由不行首告合依凡被害之後不首告律杖一百金德王祥王福押保致聖甫脫逃合依不應重律各杖八十但徐義等事俱在康熙二十七年十月二十三日

赦前均應免罪盜船變價入官其失察私盜各官應俟該撫題到日再議等因具題奉

旨徐義等與販私盜拒捕綁縛陳忠施二攢毆致施二立斃拋屍于海復將鹽包搬入陳忠船內勾通盜快反行誣報情同謀故着再議具奏欽此臣部覆查律內豪強盜徒聚衆十人以下原無兵仗遇有拒捕因而傷至二人以上爲首者斬下手之人絞不曾下手者仍爲從論等語但徐義等綁縛陳忠施二等上岸復勒賠拋失盜價不遂徐聖甫逞克先毆徐義王金車全各執棒棍攢毆施二立斃復扛屍拋海又將鹽包搬入陳忠船內勾通盜快陳吉等反誣陳忠私販明係謀殺徐義王金車全均合改依謀殺人從而加功律擬絞監候秋後處決餘俱照前議奉

旨徐義王金車全俱依擬應絞着監候秋後處決

以貨易鹽轉賣拒捕傷人未死

雍正八年三月刑部議覆蘇撫尹 疏稱山陽縣民杜利生與杜景龍杜草彥杜信之顧士于顧士明皆肩挑貿易貧民各以烟菜磁碗等物赴鹽城縣趕集因見不識姓名男婦負鹽出賣圖其價賤各將貨物零換私鹽七八十斤不等于雍正七年四月初二日五更時分各挑往鄉貨賣先後途遇同行適有巡役吳玉黃太李美許貴葛升等見而喝拏杜利生輒掣挑鹽扁担倡首拒捕杜景龍杜草彥杜信之顧士于顧士明亦各持扁担在棍協力助毆以致吳玉黃太李美許貴四人各受重傷迨葛升赴庄喝救各犯始棄鹽河內而遁緝獲各犯歷審供認不諱巡役傷俱平復將杜利生等擬以斬絞具題杜利生合依鹽徒十人以下原無兵仗遇有追捕拒敵因而傷至二人以上為首者斬律擬斬監候杜景龍杜草彥杜信之顧士于顧士明

合依下手之人比照聚眾中途打奪罪人因而傷人者絞律擬絞監候各犯俱照例刺字又稱各犯鹽已丟棄亦非買自場灶且于境內拏獲失察職名均應免開其鹽城經過失察職名現飭查取補奏等因奉旨該撫將失察經過職名查叅奉

興販私鹽拒捕傷人案內不知拒捕者仍依本律

康熙三十九年七月刑部會看得據直撫李光地疏稱林進祿等以販私鹽一案緣富大麻子起意糾集林進祿趙五狗王藍哥雪兒小留兒陶達子彭大壁禮同夥共九人帶有鳥鎗等械自王三劉奇英家買鹽馱歸於康熙三十七年四月十九日夜至魯家新庄遇有巡役富大麻子放鎗拒捕打傷巡役劉興謨康其方等隨亦放鎗富大麻子中鎗身死林進祿趙五狗王藍哥旋即被擒并獲私鹽六千二百一十六斤鹽塊十六塊駱駝二十五隻馬二匹鳥鎗二杆嗣准部發鹽禮到案歷經嚴審林進祿等堅稱頭裏前走聞放鳥鎗躲避駱駝群內因被追獲委無拒捕將林進祿擬以流罪王三劉奇英擬以徒罪等因具題除拒捕之富大麻子中鎗身死并不會拒捕之鹽禮解審中途病故不議外查律內凡犯無引私鹽者杖一百徒三年如

有軍器者加一等等語林進祿趙五狗王藍奇均應杖一百流二千里遇熱審減一等杖一百徒三年係斫人解部發落各枷號四十日鞭一百王三劉奇英合依凡鹽場灶丁人等私煎貨賣者同私鹽法律應杖一百徒三年遇熱審減一等杖九十徒二年半至配所折責三十五板私鹽等物倒斃駱駝馬匹皮張變價并王三劉奇英所得鹽價錢俱入官現在駱駝二隻解部入官脫逃之陶達子雪兒彭大小留兒嚴緝獲日另結可也奉

依議

兩起私梟同行拒捕各傷一人既經并疏審題難以兩人爲首

乾隆五年六月刑部會議覆王恒斯等販私拒捕致傷巡役王世基等一案先據護東撫黃 疏稱緣有張寶珍探知利津縣道岔地方鹽賤於乾隆二年九月初三等日糾約胡五王恒斯販鹽初六日晚王恒斯趕驢至道岔鹽店而張寶珍與胡五亦趕驢踵至又有大李四小李四高萬銀孫五婆娘沙老正及不知姓名一人俱于是晚先後到店各向郭京貴買鹽裝驢陸續出店行至崔家莊北被巡役王世基等撞遇喊拿各犯俱棄驢鹽而逸惟王恒斯被趕情急拾磚擊傷王世基鼻梁高萬銀亦拾土塊擲擦傷王大正額顱奔逸王世基等報州陸續緝獲王恒斯等到案審認不諱查王恒斯等鹽販九人原非一夥並未持械拒敵亦無爲首之人實非豪強鹽徒聚眾拒敵者比將王恒斯高萬銀均照鹽徒聚眾拒捕毆傷一人例減等擬

流張寶珍沙老正大李四孫五婆娘胡五均照律擬徒郭京貴擬杖
等因具題經臣部以例內盜徒聚衆十人以下原無兵仗遇有追捕
拒敵致傷至二人以上爲首者斬又例內若傷止一人爲首者絞監
候等語今王恒斯等盜販九名均係濱州民人越境販私趕驢馱載
各至數百餘斤白晝公行肆無忌憚諛護撫將王恒斯等擬流與例
不符應令諛撫妥議具題到日再議等因奉

旨部駁甚是依議欽此欽遵咨行去後今據東撫碩 疏稱覆查王恒斯
越境販鹽趕驢馱載實屬興販盜徒王恒斯高萬銀原非同夥係在
各處各傷巡役一人難分首從王恒斯高萬銀應改照盜徒聚衆拒
捕止傷一人例均擬絞監候餘俱仍照前議等因具題前來查盜徒
聚衆本例必分首從若使難分首從即屬與例不符查歷年部案從
無於一案之內將兩人俱以爲首論死之事如果本非一夥難分首
從則應分疏題結毋使傳疑于後將謂一案亦可以兩人爲首俱擬
死罪應令諛撫妥議具題到日再議可也奉

旨部駁甚是依議

十人以下帶軍器販私


康熙二十七年十月刑部覆東撫錢 查楊會尹等同夥九人未及
 十人定例以十人以上為重楊會尹等照十人以上例俱立決與例
 不符其十人以下帶有軍器拒捕殺人作何治罪之處又無定例楊
 會尹等應比照十人以下原無兵仗遇有追捕拒敵因而傷至二人
 以上律為首之楊會福應擬斬下手之楊會洪等俱應擬絞未下手
 之楊會德應擬克軍已死免擬外未下手之楊會尹等應僉妻發邊
 衛克軍鹽商王景初不察明來歷即將十九驢鹽賣與私販鹽人楊
 會尹等揆此王景初明知楊會尹等私販擅賣王景初合依犯私鹽
 者杖一百徒三年律徒三年恭遇

恩赦楊會尹等均應免罪鹽驢變價入官嗣後十人以下執有軍器拒捕
 殺人俱照此治罪奉

盲依議

卷之六

六



Faint vertical text columns, likely bleed-through from the reverse side of the page. The characters are mostly illegible due to fading and the texture of the aged paper.

